

Michele Brunelli

N. 9090/2012 P.M.

N. 7925/2013 GIP



TRIBUNALE DI BRESCIA
UFFICIO DEL GIUDICE PER LE INDAGINI PRELIMINARI

ORDINANZA IN MATERIA DI MISURE CAUTELARI

Il Giudice per le indagini preliminari,
visti gli atti del p. p. a carico di:

UN BEL DÌ... (Uuuuu che paura!)

Un bel di rènto in procura
un tremon i ga ciapà:
de na ruspa i ga paura
che la sia un caroarmà!
I giornali i xe in ałarme
che 'l gran Vèneto 'l sia in arme
e l'acuxa la xe dura:
«terrorismo» i l'à ciamà.

In procura, poariti,
i s'è tuti scaturà
coi caviji tuti driti
un procèso i ga tacà!
Ma sti espèrti d'esperiença
sali mà la difarença
fra na arma da paura
e na ruspa un fià blindà?

L'è na pàcara de cuele

che te cati par le strade,
coi so cingoli e portèle,
gnente sciòpi, gnent' granade.
Ciò, da ndove spararàla?
Da le ponte de la pała?
Mi la vedo pròpio dura
che la s'àbia trasformà.

Xe l'Itàlia a far le guère,
dè na ocià a sta lista cuà.
La gavea da tor le tère
a cuei che ghe xèra za:

par far sù na pàtria sacra
le Sicilie i masacra
co procèsi a desmixura,
làger, zente fuxilà.

Po, par inganar l'atexa,
el Sior Stato el ga pensà
de ndar far un giro in cexa,
ma 'l ghe riva ben armà:
e co sto bel mortificio
rènto el Stato Pontificio
semenando copadura
tricolor el ga trionfà.

Po saltando via le lèji
rènto el Vèneto i xe intrà
e coi sciòpi for' dai seji
el Paexe i ga ciapà
sti Itàliani senpre scaltri,
profitàndose che altri
par far mostra de bravura
i lo ga za martorià.

Po l'Itàlia i Trentini
in Tirol la ga atacà
A trar gas sui Abisini:
coi aèrei la xe ndà.

La fa guèra ai Asburgo
po la vol San Pietroburgo
e a le guère de Mazzini
la ghe ciama libartà.

E co tuta sta gran guèra,
des' se gali ciò insustà
co na màchina da tèra?
Co sta pòra ruspa cuà?
No la ga mìa mai invadesto
anesion no l'è faxesto
e i ghen'à na gran paura
come che la fuse armà.

Se l'articolo ti è piaciuto condividilo su:

- [Facebook](#)
- [Twitter](#)
- [Pinterest](#)
- [LinkedIn](#)
- [E-mail](#)
- [Stampa](#)
- [WhatsApp](#)
- [Telegram](#)